



Sermon
Kxf. Dr. Numlaajtsheb Yaaj

“Nej Cia Li Muaj Txojkev Haumxebb”

Second Sunday after Easter
St. Michael and Our Savior Lutheran Church
4-19-2020

Thov txoj koobhmoov txojkev hlub thiab txojkev haumxebb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Yauhas 20:19 “On the evening of that day, the first day of the week, the doors being locked where the disciples were for fear of the Jews, Jesus came and stood among them and said to them, “Peace be with you – *Hnub ib thaum tsausntuj cov thwjtim tuaj nyob uake hauv ib lub tsev. Lawv xauv qhovrooj zoo zoo huv tibi, rau qhov lawv ntshai cov tibneeg Yudaic tej nomtswv. Thaum ntawd Yexus los sawv hauv lawv nruabnrab. Yexus hais rau lawv haistias, “Nej cia li muaj txojkev haumxebb.”* (ESV) Nov Yog Vajtswv Txojlus. (Cross-reference – Nkauj Qhuas Vajtswv 122:8, Malakaus 16:14, Lukas 24:36, Yauhas 7:13; 14:27; 20:21, 26; 21:1, 14, Tes Haujlwm 1:3, 1 Kauleethaus 15:5, 3 Yauhas 1:14)

Illustration “No Peace” (Show example of African killing people)



Yav tag los tej ntawv xovxwm qhia txog tias muaj ntau “tribes – *pabpawg*” tibneeg nyob rau Africa muaj kev sibtua thiab tau tuag coob li 25,000 leej. Feem ntau yog cov pojniam thiab cov menyuam yaus. Tej “gang – *laib*” rho riam rho muv los nkaug thiab laig tej tibneeg nyob ntawm tej ntug kev ua lwj ua liam. Muab lawv tua tuag pawg lug.

(Show example of two helicopter shot down)



Dhau yav tag los, Asmeliskas rov tua yuamkev lawv ob lub “helicopter – *tsheb davhlau qav taub*.” Muaj cov tub rog tseem nyob hauv ob lub “helicopter – *tsheb davhlau qav taub*” no, ua rau lawv tuag tas. Lawv xav haistias nov yog cov yeebncuab ob lub “helicopter – *tsheb davhlau qav taub*.” Niaj hnub no tsuvrog rau lwm lub tebchaw los nyob tsis muaj kev thajyeeb. Lawv tsis qabsiab ua neej. Lawv nyob tsis kajsiaib tsis muaj txojkev haumxebb ua lub neej nyob rau txojkev ntshai tshee nyos mus tag li. Tsis paub xyov yuav ua lub neej li cas rov rau yav tomtej. (Show Ancient Rome Height of Power)



Lub sijhawm tamsim no los yeej tsis txawv npaum li cas rau tiam uas Yexus nyob thiab. Dhau li 2000 xyoo los lawm cov nomtswv Loos tswj cheebtsam ntawm tebchaws Mediterranean. Loos cov tubrog tau kav thiab tsimtxom cov tibneeg Ixalayeas. Haiv tibneeg tsis nyiam thiab ntxub Loos txojkev tswjhwm lawv. Muaj coob leej ntaus tus tuaj xub cov nomtswv Loos ua rau lawv lub neej nyob tsis muaj kev kajsiaib thiab kev haumxebb li.

I. Yog li ntawd thaum Yexus hais cov lus haistias, “Peace be with you - *Nej cia li muaj txojkev haumxebb,*” ua rau peb sawvdaws tsis totaub tias txojkev haumxebb yog dabtsi. Zoo li tej lub sijhawm pib xyoo 2020 no, thoob qabntuj tabtom raug tus kabmob Coronavirus – COVID-19 txog tsheej lab tus tibneeg. (Show people wearing mask – protected from the Coronavirus COVID-19)



Nomtswv nyob rau txhua lub tebchaw tau samhwm kom txhuatus yuavtsum


nyob tsev, tej lagluam uas yuav muaj tibneeg coob tuaj uake tsis pub qhib, tej khw muag mov tsua pub tibneeg tuaj nqa xwb tsis pub zaum nyob noj, tsis pub tej txheebze tuaj sis saib sib koom uake, thiab thaum twg tibneeg tawm sab nraud yuavtsum ntoo phuum npog ntsejmuag, looj hnab loojtes, thiab yuavtsum nyob nrug deb li 6'0 ntawm ibtus tibneeg deb. Ntau lub tebchaw tsis pub tibneeg caij tsheb davhlau los tsaw rau lawv lub tebchaw thiab yog leejtwg raug mus txawv tebchaw lawm yuav tau nyob tsev li 14 hnub mam li tawm tau. (Show CNN-News)



Cov uas raug tus mob no thiab tuag, tsevneeg mus saib tsis tau vim nomtswv tsis pub txav kom ze. Ua li no thiaj li yuav tsis ki ntxiv rau lwm tus. Yexus lolus hais rau koj haistias, “Peace be with you - *Nej cia li muaj txojkev haumxeb,*” txhais li cas? Txawm kabmob li no los raug rau lub ntiajtes no los koj yuavtsum tsis txhob txhawj thiab tsis txhob ntshai. Yexus hais kom koj totaub tias nws twb kovyeej txojkev txhaum, kev tuag, thiab dabntxwngnyoog lub hwjchim lawm. Koj cia li muaj “Peace be with you - *Nej cia li muaj txojkev haumxeb.*”

<https://www.livenewsmag.com/cnn-live-streaming/>

Yog vim li cas Yexus thiaj li hais li ntawd? Nws txhais li cas tiag? (Show Israel at the time of Jesus)



Tomqab Yexus sawv hauv qhovtuag rov los, Yauhas sau haistias cov thwjtim nyob ntshai khiav nkaum ntawm cov nomtswv thiab cov thawj coj ntawm cov “Jew – *Yudais.*” Thaum Yexus tseem ua neej nrog lawv nyob los lawv ntsib kev teebmeem ntau tsav yam. Lawv lub neej mus ib qhov rau ib qhov nrog Yexus mus rau tej tebchaws Capernaum, Bethesda, Cana, Galilee, and Samaria mus qhia Txojmoozoo. Tibneeg coob leej ntau tus raws lawv qab qws nrov nrov xav kom lawv pab kho lawv tej mob. Txawm Yexus lub npe nrov zujzus los Yexus pib muaj yeebncuab zujzus.

Cov yeebncuab yog cov Povthawj hlob, Falixais, thiab cov xibhwb qhia txoj kevcai tuav tswvyim yuav muab Yexus tua. Yexus cov thwjtim ua lub neej tsis muaj kev thajyeeb li. (Show Jesus riding a donkey)



Txawm tej kev xwmtxheej ua lawv ntsib li no los, lawv tseem yuav ntsib qhov phem tshaj rau ntawm lub nroog Yeluxalees. Lawv mus rau lub nroog Yeluxalees mus noj rooj mov ua kevcai hla dhau. Hnub “Palm Sunday – *Hnubso Nplooj Toovlaj*” tibneeg coob coob txais tos Yexus los ntawm lawv txiav tej nplooj toovlaj thiab muab lawv tej ris tsho los puas Yexus kev. Lawv sawvdaws hwm thiab qhuas Yexus tias Yexus yog “Hosanna to the Son of David! Blessed is he who comes in the name of the Lord, Hosanna in the highest heaven! – *Hoxanas, David tus Tub, Foom koobhmoov rau tus as los*


ntawm tus Tswv lub npe, Hoxanas tus nyob chaw siab saum ntuj ceebtsheej.” (Mathais 21:9). Plaub (4) hnub tomqab xwb Yexus raug ntes, coj mus txiav txim, thiab muab tua tuag. Thaum muaj tej xwm li no, sawvdaws tsis lees paub Yexus thiab nyias khiav nyias mus nkaum tag. Tej lub sibhawm no tsis yog lub sijhawm uas yuav muaj kev haumxeb losyog nyob kajsiaib li.

- II. Cov kwvtij hlub thiab movtshua, koj lub neej puas muaj kev haumxeb thiab nyob kajsiaib lug? Tej zaum koj lub neej yuav nyob kajsiaib lug dua li Yexus cov thwjtim. Txawm li ntawd los peb nyob rau lub ntiajtes uas tsis muaj kev sibhawm xeeb ib yam li lwm tus. Nej sim saib peb cov uas ntseeg Vajtswv, peb yeej raug mus ua tubrog ib yam li cov tsis ntseeg. Peb cov ntseeg ntsib kev txomnyem kev teebmeem los ntawm kev av

qeeq, tebchaws tsis muaj noj muaj haus, tsis muaj laj kam dejnum ua ib yam li cov tsis ntseeg.
(Show uprising enemies of old)



Tej tubsab nyiag cov ntseeg ib yam cov tsis ntseeg. Peb ntsib kev tsimtxom ib yam li peb tej kwvtij zejzrog txawm lawv yog cov tsis ntseeg. Cov ntseeg tej khub niamtxiv los muaj kev tsis sibhaum xeeb, muaj kev sibnrauj, tej menyuam los tsis mloog niam txiv lus ib yam li cov tsis ntseeg. Nej sim saib niaj hnuv nimno los peb lub vaj lub tsev twb tsis muaj kev haumxeeb nrog rau txojkev kajsiab vim peb tsua sib cav sib tshe nrog tej yam ua me me xwb. Txawm lub ntiajteb no yuav muaj yeebncuab li cas los nej cia li muaj txojkev haumxeeb. (Show John 20:19)



Yexus haistias, “Peace be with you - *Nej cia li muaj txojkev haumxeeb.*” (Yauhas 20:19). Yexus cov thwjtim lub neej los twb tsis muaj kev kajsiab. Peb lub neej los twb tsis muaj kev kajsiab. Thaum Yexus los sawv hauv nws cov thwjtim thiab haistias, “Peace be with you - *Nej cia li muaj txojkev haumxeeb*” yog Yexus lolus “greeting – *txaistos*” thawj nqi yog xav kom lawv muaj txojkev haumxeeb rau ntawm Vajtswv. Nws tej qhov to hauv nws lub xibtes, kotaw thiab ntawm nws sab tav qhia tau tias tibneeg rov muaj kev haumxeeb rau ntawm Vajtswv lawm. Vim Vajtswv txojkev rau txim


Yuavtsum yog rau txim rau peb tibneeg ntiajteb, tiamsis nws muab txojkev rau txim tagrho rau ntawm Tswv Yexus Khetos. Yexus coj peb tej kev txhaum mus rau ntawm tus ntoo khaublig thiab them peb tej nuj nqi los ntawm nws txojkev tuag. Thaum Yexus sawv hauv qhovtuag rov los muaj sia nyob qhia tseeb tseeb rau peb tias Vajtswv twb tsis suav txojkev txhaum rau peb tibneeg ntiajteb vim yog los ntawm Yexus Khetos txojkev tuag zam tagrho ntiajteb lub txim lawm. (Show Romans 5:1)



Vim li no tus thwjtim Paulus thiaj li sau haistias, “Therefore, since we have been justified through faith, we have peace with God through our Lord Jesus Christ – *Nimno Vajtswv twb coj peb los nrog Vajtswv sib raug zoo lawm rau qhov peb ntseeg. Vajtswv kom peb tus Tswv Yexus Khetos ua rau peb nrog Vajtswv sib haumxeeb.*” (Loos 5:1). Thaum Yexus haistias, “Peace be with you - *Nej cia li muaj txojkev haumxeeb,*” yog Yexus coj txojkev haumxeeb zamtxim rau peb lawm. Yexus coj txojkev haumxeeb uas yog txojkev kajsiab kom peb tsis txhob muaj txojkev txhawj, kev ntshai nrog rau tej kev nyob

rau hauv lub ntiajteb no ntxiv lawm. Txawm peb yuav ntsib kev nyuajsiab li cas hauv lub ntiajteb no los ntujceebtsheej yog peb li los ntawm peb txojkev ntseeg kev ciab rau Tswv Yexus Khetos.

III. Ob lub koobtsheej uas loj tshaj plaws yog “Christmas and Easter – Hnuv Yexus yug thiab Hnuv Yexus sawv.” Ob lub no txawv npaum li cas?



Christmas yog lub caij Yexus yug. Easter yog lub caij Yexus sawv hauv qhov tuag rov los muaj sia nyob. Thaum Christmas Maivliag zoo siab rau nws tus tub tau yug. Thaum Easter Maivliag quaj thiab tsis kajsiab vim nws tus Tub raug ntsia thiab tuag rau saum tus ntoo khaublig. Ob lub koobtsheej no txawv lawm ntaus kawg, tiamsis nws muaj tib lub ntsiab lus xwb. Lub ntsiab lus no yog txojkev haumxeeb thiab kev kajsiab lug rau ntawm Vajtswv. Cov timtswv hais li cas rau cov tub yugyaj? (Show Luke 2:14)



Lukas sau haistias, “Glory to God in the highest heaven, and on earth peace to those on whom his favor rests – *Cia li qhuas tus Vajtswv muaj koobmeej uas nyob saumntuj ceebtsheej. Thiab thov kom tej tibneeg ntiajteb txhuatus uas ua haum Vajtswv siab, tau zoo nyob haumxeeb lug.*” (Lukas 2:14) “Today in the town of David a Savior has been born to you; he is the Messiah, the Lord – *Nyob rau Daviv lub nroog tus Cawmseej twb los yug los rau neej, nws yog tus Mexiyas, uas yog tus Tswv.*” (Luke 2:11). Txojkev haumxeeb nrog rau txojkev kajsia lug twb los rau lub ntiajteb vim nws coj txojkev hlub, kev zamtxim los rau tibneeg kom tibneeg rov muaj kev haumxeeb sib raug zoo nrog Vajtswv. (Show war)



Vim haistias peb muaj txojkev haumxeeb no nrog Vajtswv peb yuav tau txojkev kajsia nyob rau lub ntiajteb uas muaj kev tsis zoo. Koj puas ntshai thiab ntshaw khoom ntiajteb? Kev tsuvrog puas ua rau koj ntshai? Txawm tej lub tebchaw swb rau tej kev tsuvrog rau cov yeebncuab tibneeg tseem muaj txojkev haumxeeb rau lub tebchaws uas tsis muaj tsuvrog. (Show afraid of death)



Lub tebchaws uas kuv hais no yog lub muaj nyob mus ibtxhis uas yog ntujceebtsheej. Nej puas ntshai tsam tsis muaj nag los? Vajtswv cog lus tias nws yuav pub zaub mov rau peb noj txhawb peb lub cev kom lub cev rov muaj zog. Txhuayam hauv koj lub neej puas ntsib kev teebmeem mus li? Peb yuavtsum nco ntsoov tias txhuayam, Vajtswv yuav uas kom zoo rau peb. Koj puas ntshai txojkev tuag? Peb paub tias Tswv Yexus Khetos twb kovyeej txojkev txhaum, txojkev tuag thiab dabntxwngnyog lub hwjchim lawm. (Show love of God)



Nws sawv hauv qhovtuag rov los muaj txojksia nyob ua tus Tswv kav tagrho ibpuas tsavyam. Ib hnuv twg peb yuav nrog nws koom txojkev kovyeej ntawd txojkev tuag. Peb paub tias Vajtswv twb yuav peb rov los thiab pub txojkev haumxeeb rau peb lawm. Tsis muaj ib yam dabtsi yuav cai tau peb ntawm Vajtswv txojkev hlub txawm yog kev tsimtxom, kev txomnyem, kev quajntsuag, losyog kev mobnkeeg hauv lub ntiajteb no. Txojkev haumxeeb uas Yexus hais yog txojkev uas Vajtswv muab pub rau peb txhuatus kom nyob rau hauv peb lub mus ibtxhis thiab ibtxhis. (Show Peace with God)



Txawm muaj kev sibtua, tsuv rog, kev sib ntsub, kev muaj mob, kev tuag, kev phem kev tsis zoo uas peb niaj hnuv hnov thiab pom los tsis txhob ntshai. Peb yuavtsum nco ntsoov tias ltxawm muaj tej no los peb yeej muaj tau txojkev haumxeeb. Qhov tseeb tiag, kom peb nco ntsoov tias peb tus Cawmseej Tswv Yexus Khetos twb los ua tiav hlo rau txojkev haumxeeb rau tibneeg ntiajteb lawm. Yexus thiaj li haistias, “Peace be with you - *Nej cia li muaj txojkev haumxeeb.*” (Yauhas 20:19). Asmees.

Thov kom Vajtswv Txojlus pub rau peb sawvdaws totaub thiab tau nyob kajsia lug rau ntawm peb tus Cawmseej Tswv Yexus Khetos lub npe. Peb txhuatus uas yog Vajtswv cov menyuam, peb sawvdaws hais: Asmees.